

Yanditswe na: Edward Hughes

Amashusho ashirwamwo na:
Byron Unger; Lazarus; Alastair Paterson

Itunganywa na: E. Frischbutter; Sarah S.

Isobanurwa mu Kirundi na:
Manurakoze Pacifique

Yateguwe na: Biblefor Children
www.M1914.org

©2022 Bible for Children, Inc.

Uburenganzira: Murafise uburenganzira bwo kwimura canke
gusohora ku mpapuro iyi nkuru mugihe gusa mutayigurisha.





Yesu yari umwigisha mukuru. Umwigisha adasanzwe. Abantu beshi cane baramwumviriza.





Yesu yabasaba kuba
abanyabuntu, beza
kandi b'abagwaneza.





Bamwe
barashobora kubanka no
kubagirira nabi, ariko
Imana irabitwararika.






Yesu yigishije
ibintu vyishi. Yavuze
ko abigishwa biwe ari
umuco uboneshereza
amahanga nk'uko
ibuji ribonesha
munzu. Mbega ni
akahe karusho
ibuji izana igihe
icanwe mucumba
kiri mw'umwiza!




Yesu yaraganiriye n'abantu bagomba kwihora: "Ijisho kurindi, iryinyo kurindi." Ariko Yesu yabigishije uburwaneza, ikigongwe n'urukundo kubansi babo.



Mu gihe ca Yesu, abantu
bamwe bamwe biyumva
ko ari abagororotsi.
Igihe bahaye amahera
abakene, ...





... baba bafise umuntu aca
avuza inzamba kugira ngo
abantu bose bamenye
ico bakoze. "Mutange
mumpisho Imana nayo
izobashumbusha,"
Niko

Yesu
yavuze.



Yesu yarigishije nk'uko
nyene kw'isengesho. Abantu bamwe
bamwe basengera hagati mumahwane
y'amabarabara kugira ngo
abantu bose babibone
kandi babumve.



Barabesha Imana.
Bitwararitse cane ivyo
abantu babiyumvirako.
Yesu yabise indyadya,
abantu babi.



Yesu keshi akoresha ivyaremwe
kugira ngo asigure inyigisho ziwe.
Nk'akarorero, yarifashishije
inyoni hama aravuga ati:



"So ari mw'ijuru arazigaburira.
Ntimukiganyire. Imana izobaha
namwe ivyo mukenera."



"N'aho umwami Salomo yari atunze cane,
ntiyari asharije nk'ishurwe rimwe muyari
mumirima." Yesu arabandanya ati:

"Nimba Imana yambika ivyatsi vyo
mugahinga,

...




... mbega ntizorushiriza kwitararika ivyo kubambika namwe?" Yesu yariko yigisha abantu kwizera Imana kuko imenya ivyo bakeneye vyose.



"Niwacira urubanza mugenzawe, ni nko gukura akatsi mujisho ryiwe kandi iwawe hariyo ingigira," Ni ko Yesu avuga. Birashoboka ko abantu boba baciye batwenga. Ariko bategerezwa kwiyumvira cane kuri ano majambo.





Yesu yavuze ko abantu bategerezwa gusaba Imana ngo ibafashe. Mbega abavyeyi barashobora guha abana babo amabuye igihe bashonje hanyuma bakabasaba umukate?

Ntagukekeranya ni oya. Babaha ibintu vyiza.

N'Imana niko iha ivyiza abayibisaba.



Yesu, umwigisha mukuru,
yari yarabigishije no kubigisha
b'ibinyoma. "Bambaye urusato
rw'intama," niko Yesu avuga.
"Ariko imbere, ni amabingira!"
Yesu avuga ko abigisha



b'ibinyoma
bazobamenyera
kuvyo bama.




Muyindi nkuru Yesu yababwiye,
Yesu yabasiguriye ko abantu bumvira
ijambo ry'Imana
bameze nk'umuntu
yubatse inzu yiwe
k'urutare.

Haje igihuhusi
giteye ubwoba. Ico gihuhusi
giheze, inzu yagumye ihagaze neza.



Ariko umuntu w'ikijuju yubatse inzu yiwe k'umusenyi. Igihe haje igihuhusi gikomeye kigasurira kuri yanzu, inzu yaciye isenyuka kuko umushinge wayo utari ukomeye. Yesu yavuze ko abantu batumvira ijamba ry'Imana bameze nk'uyu muntu w'ikijuju.



Abantu beshi baratangazwa n'amajambo ya Yesu. Ntibari bwumve amajambo nk'ayo. Ico gihe, barumva ko bidahagiye kwumva ijambo ry'Imana gusa. Bategerezwa kumwumvira



k'umusi
k'umusi.



Yesu umwigisha mukuru

Inkuru ivuye mw'Ijambo ry'Imana, Bibiliya

tuyisanga muri

Matayo 5-7, Luka 6

"Guhishurirwa amajambo yawe kuzana
umuco, guha abatungu ubwenge." Zaburi
119:130



Iherezo



Iyi nkuru ya bibliya itubwira
kuvyerekeye Imana yacu y'igitangaza
yaturemye kandi igashaka ko tuyimenya.

Imana irazi ko twakoze ibibi, arivyo yita
icaha. Igihano c'icaha ni urupfu ariko Imana
iragukunda cane yarungitse umwana wayo
w'ikinege, Yesu, gupfa ku musalaba kugira
ahanwe kubw, ivyaha vyawe. Hama Yesu
asubira kubaho aca agenda I muhira
mw'ijuru. Niwizera Yesu ukamusaba
aguharire ivyaha vyawe, azobikora.
Azoza abe muri wewe, hama uzobana
na we ibihe bidashira.



Niwizera uko ni ukuri, bwira Imana ibi:
Yesu mwiza, ndizera ko uri Imana, kandi
wacitse umuntu ugapfa kubera ivyaha
vyanje, hama ubu ukaba uri muzima. Rero
ingo mu bugingo bwanje hama uharire
ivyaha vyanje, kugira ngire ubugingo
bushasha, hama umunsi umwe nze mbane na
we ubugingo budashira. Mfasha kugira
ndakwumvire kandi mbeho ku bwawe
nk'Umwana wawe. Amen.

Soma bibiliya hama uvugane n'Imana
iminsi yose. Yohana 3:16

